



## KUGLUGGI

Melodie: Oh, Pfanneflick.

D'Theaterbäll sin schregglic tyr,  
's goht fascht kai Mensch meh dra;  
Doch die wo gsi sin, hän derfir  
E sälle Gnissli gha:  
Dr Gsang verreggt, d'Musik macht Mues,  
Dr Felix hau's in Sagg, mit em „schweebische Grueb.“

Vom Witz, do het e Sydeherr,  
Zwai alti Helge gha.  
Dr Schtaat dä Dubel, zahlt scho mehr,  
Keit e Vermeege dra.  
s'Volgg findets z'tyr, das haig kei Schpitz!  
Rais uff Kunscht-Syde, statt uff fuuli Witz!

Die Mamme Eliphant goht los,  
Dur d'Stadt mit ihrem Junge,  
Dr Wärter-Holzschuekrach isch groß  
Und d'Lyt dunggt's kaibe glunge:  
Diräggt, Wärter, gopferdeggel  
So stygt me kainere noche, dummi S. . . . .

E Wiehnachtsbaimli, das wird gschetzt,  
In jedem chrischilige Huus.  
Dr Wyserli gege d'Kirche hetzt,  
Doch macht är mit dä Schmuus.  
Wil är gärn mecht, in Himmel ko,  
Het ihm dr Schnyder s'Mäas, fir d'Fäggt gno.

So Windhind seggle gärn, me gseht's,  
De Häslü noh, mit Schneid;  
Doch uff der Schitzematte het's,  
Dr Apparat verheit:  
Wenn sone Has, nit losgoh ka,  
Was tuet e Windhund denn no hinde dra.

Noch langem Gschyss het d'Polizei,  
Zuegmacht die Filiale.  
Jetz goht de Schnuggi, ains, zwai, drei,  
Au fleete ihr' Zentrale.  
Die Wittli-Baiz, isch glatt kaput,  
Dä Soome stoht vorusse, fidleblutt.

Besucht den Schlussabend der Comité-Schnitzelbänke im  
Musiksaal des Stadtcasino, Sonntag, 24. Februar abends 7 Uhr.  
Vorverkauf der Billette im Verkehrsbureau, Probst, Zigarren-  
handlung Steinenvorstadt 2 und H. Kiefer, Telephon Birsig 1305.